

四庫全書

史部

欽定四庫全書

欽定續文獻通考卷一百八十七

經籍考

子
類書下

明

吳夢材彊識略四十卷

夢材字國賢宗陽人

況叔祺考古辭宗二十卷

欽定四庫全書

欽定續文獻通考

叔祺字吉甫高安人嘉靖進士官貴州提學僉事

劉鳳雜俎十卷

鳳見史類

臣等謹案是書摘錄古書字句凡分八類

王可大國憲家猷五十六卷

可大字元簡南京錦衣衛人嘉靖進士官台州府知

府

凌迪知文選錦字二十一卷

迪知見史類

徐元太喻林一百二十卷

元太字汝賢宣城人嘉靖進士官刑部尚書

臣等謹案是書採摭古人設譬之詞彙為一編凡

分十門五百八十餘類歷二十餘年而後成

徐時行羣書纂粹八卷

時行即申時行見經類

臣等謹案時行初寄養於徐從其姓此蓋其未復

姓時作

王荔正音攝言四卷

荔字子岩高陽人嘉靖舉人官青州府推官

臣等謹案是書乃村塾對偶之本分二十二部前

有李國楨序

潘之恒亘史鈔

無卷數

之恒見史類

臣等謹案是書明史藝文志作九十一卷顧起元

序稱有內紀外紀雜紀為卷九百九十有六今僅存內紀蓋殘缺不完之本也

潘塤楮記室十五卷

塤見史類

鄭若庸類雋三十卷

若庸字虛舟崑山人少為諸生以任俠不羈見斥客
趙康王厚煜邸中厚煜給以筆札令其倣初學記藝
文類聚越二十年而成此書

趙樞生舍元齋別編十卷

樞生見神仙家類

顧充古雋考畧六卷

充見經類

莊元臣三才考畧十二卷

元臣字宗原歸安人隆慶進士

臣等謹案是書分十二門蓋備科舉對策之用者

張元抃翰林諸書選粹四卷

元拊見史類

郭子章黔類十八卷

子章見經類

臣等謹案是編其巡撫貴州時所輯故曰黔類實

隸事之書非黔志也凡分三十六門

祝彥祝氏事偶十五卷

彥字元美山陰人萬歷舉人

臣等謹案是書採史傳所載古人事蹟相同者倣

世說新語門目分條徵引

陳與郊廣修辭指南二十卷

與郊見經類

屠隆縹緗對類二十卷

隆見雜家類

何三畏何氏類鎔三十五卷

三畏見史類

臣等謹案是編取類書典故以駢語聯絡成文即

宋吳淑事類賦之屬但不為韻語耳

徐常吉事詞類奇三十卷 六經類聚四卷

常吉字士彰武進人萬歷進士官浙江按察司僉事

臣等謹案類奇為類二十有四吳人陸伯元為之

註類聚凡十八門內有陶元良續增者元良字乃

永亦武進人

樊王家春秋內外傳類選八卷

王家潛江人萬歷進士

閔文振異物彙苑十八卷

文振字道充浮梁人

姚光祚廣蒙求三十七卷

光祚字允昌吳縣人萬曆舉人官保定府同知

臣等謹案宋王逢原有十七史蒙求光祚以其未

備從而廣之分三十七類

陶涵中男子雙名記一卷

涵中字雪凡嘉興人萬曆舉人官建昌府同知

臣等謹案是書記古人雙名如殷七七王保保凡二十一人然以余闕為余闕闕不知何所據也

吳道南秘笈新書十三卷別集一卷

道南見史類

臣等謹案是書據道南自序謂本宋謝枋得之書

道南為之增補

黃一正事物紺珠四十一卷

一正字定父揚州人

臣等謹案是書明史藝文志作四十六卷今以書考之乃四十六目也

馮琦經濟類編一百卷

琦字琢菴臨朐人萬曆進士官至禮部尚書謚文敏

臣等謹案是編為琦手錄之稿琦沒後弟瑗與其門人周家棟吳光儀重為排纂

余寅同姓名錄十二卷周應賓補錄一卷

寅見史類應賓見經類

顧起元說畧三十卷

起元見史類

臣等謹案是編明史藝文志作六十卷而起元自序止三十卷與今本合蓋明史偶誤也明史收入小說家類以與曾慥類說陶宗儀說郭相近然詳考體例其分門排比編次之法實與類書相同

陳耀文天中記六十卷

耀文見經類

臣等謹案是編乃其類事之書以所居近天中山故曰天中記

章潢圖書編一百二十七卷

潢見經類

臣等謹案是編取左圖右書之義凡諸書有圖可考者無不彙輯而為之說明人圖譜之學惟此與王圻三才圖會為巨帙然圻書門目瑣屑不及潢書之有體要

陳禹謨駢志二十卷

禹謨見經類

彭大翼山堂肆考二百二十八卷補遺十二卷

大翼字雲舉一字一鶴江南通州人以歲貢判梧州

臣等謹案江南志稱大翼自梧州乞歸因事緝閱

積四十年而書成名曰山堂肆考凡分宮商角徵

羽五集

劉鴻訓玉海纂二十二卷

鴻訓字默成長山人萬曆進士官至文淵閣大學士
時物典彙二卷

舊題李日華撰日華見史類

臣等謹案是書雜剽類書故實鉅釘成帙舛謬百
出當是偽託之作

杜涇對制談經十五卷

涇西安人始末無考

臣等謹案是書因宋葉時禮經會元舊文百篇分

類排纂立十五門以統之

徐鑒諸書考錄四卷 諸經紀數十四卷

鑒字觀父豐城人萬曆進士官監察御史提督應天學政

許獬八經類集三卷

獬字子遜同安人萬曆進士官翰林院編修八經易書詩春秋禮記周禮孝經小學也

林灑藻軒間錄補續詞叢類採八卷

漉字元盛福州人官至昌化縣知縣

楊德周興識隨筆一卷

德周見小說家類

陳懋學事言要元三十二卷

懋學字希顏福唐人萬歷舉人官兵馬司指揮

吳之俊獅山掌錄二十八卷

之俊字彥章號芝房歙縣人萬歷進士官武強縣知

縣

楊聯芳諸經纂註三十四卷

聯芳字懋賞漳州人

徐應秋駢字憑霄二十四卷

應秋見雜家類

臣等謹案是書皆采輯經史駢連之字詮義十卷

釋名十四卷自註引王嘉拾遺記蒼梧有鳥名憑霄能吐五色氣名書之義蓋取諸此

陳子壯經濟言十二卷

子壯字集生南海人萬曆進士官禮部侍郎明亡殉
難

楊淙事文玉屑二十四卷

淙始末無考

江旭奇朱翼無卷數

旭奇字舜升歙縣人萬曆中官安岳縣丞

臣等謹案是書凡分六部摺撫諸書是非一以朱
子為斷故名朱翼

黃以陞史說萱蘇一卷

以陞字孝義龍溪人

臣等謹案是書取史事之相類者隨筆記載自序謂臯蘇釋勞萱草忘憂故以萱蘇為名

俞安期唐類函二百卷 詩雋類函一百五十卷 類

苑瓊英十卷

安期字羨長吳江人

臣等謹案唐類函取唐人類書刪除重複彙為一

函分四十三部詩雋類函取皇古迄唐代之詩彙
為一編分三十六部類苑分別事類每條止撮舉
二字中缺天文一類殆未成之書也

劉嗣昌劉氏類山十卷

嗣昌字燕及桐城人萬曆中官興化府知府

臣等謹案是書為目七十所載之書止于唐代

卓明卿卓氏藻林八卷

明卿字激浦錢塘人萬曆中官光祿寺署正

臣等謹案是編采摭羣書分門輯錄談遷棗林藝
筭謂是吳興王氏之本明卿竊取之

錢應充史學璧珠十八卷

應充字子美紹興人萬曆中貢生

徐袍事典考畧六卷

袍字仲章婺源人

王思義故事選要十四卷

思義見史類

欽定四庫全書

欽定續文獻通考

卷一百八十七

三

劉仲達劉氏鴻書一百八卷

仲達字九達宣城諸生

臣等謹案是書分二十四類卷端題湯賓尹刪定

汪宗姬儒函數類六十二卷

宗姬字肇卽歙縣人

臣等謹案是書明史藝文志作儒數類函蓋刊本

誤也

穆希文蟬史十一卷

希文見雜家類

臣等謹案是書專記鳥獸故實故以蟬名

王志慶古儷府十二卷

志慶字與游崑山人天啟舉人

臣等謹案是書採摭漢魏賦頌六朝唐宋人駢體
分十八門大槩仿歐陽詢藝文類聚之例

董斯張廣博物志五十卷

斯張見史類

臣等謹按晉張華博物志南宋李石嘗續之仍華舊目斯張更從而廣之全改華之體例凡分門二十有二子目六十有七

李肇亨婦女雙名記一卷

肇亨字會泰嘉興人太僕卿日華之子

彭儼五侯鯖十二卷

儼字若思江西人

李紹文藝林纍百八卷

紹文見小說類

羅萬藻十三經類語十四卷

萬藻字文止江西人天啟舉人福王時官上杭縣知

縣唐王僭號擢禮部主事未幾卒

陳懋仁庶物異名疏三十卷

懋仁見史類

胡文煥詩學彙選二卷

文煥見經類

陳繼儒文奇豹斑十二卷

繼儒見史類

李琪枝清異續錄三卷

琪枝字雲卿嘉興人太僕卿日華之孫瑩亨之子

臣等謹案是書雖續陶穀之清異錄然穀書體近

稗官此則事多古典名同實異未可同類而觀云

凌稚隆五車韻瑞一百六十卷

稚隆見經類

臣等謹案是編因陰時夫韻府羣玉而稍變其例

每韻之下先列小篆然後隨韻隸事前有謝肇淩序

張雲鸞五經總類四十卷

雲鸞字羽臣號泰巖無錫人崇禎時嘗以所輯經書講義獻之闕下

臣等謹案是編取五經及周禮孝經分門排比共為七十二類

程良孺茹古畧集三十卷

良孺見雜家類

呂一經古今好議論十卷

一經字子傳號非菴吳縣人崇禎進士官至河南提

學副使

劉侗名物考十卷

侗見史類

顏茂猷六經纂要

無卷數

茂猷見雜家類

傅巖事物考八卷

巖字野清義烏人崇禎進士官監察御史

文德翼備吹錄首集二十卷次集二十一卷

德翼見史類

何偉然四六霞肆十六卷

偉然見雜家類

方夏廣韻藻六卷

夏字南明自號養春子長洲人

許之吉麗句集六卷

之吉爵里無考

臣等謹案是編採前人儂偶之句分門編次亦楊

慎謝華啟秀之類

孫丕顯文苑彙雋二十四卷

丕顯字啟周閩人

劉葉事類通考十卷

葉字芝華饒州人

卓有見策統綱目三十九卷

有見莆田人

徐炬古今事物原始三十卷

炬見譜錄類

韓孔贊古史彙編四卷

孔贊字羲一里貫無考

馮廷章子史彙纂二十四卷

廷章字子建常熟人

臣等謹案是書分二十四類卷首列徵引書目千餘種唐宋諸志不著錄者十之六七明諸家書目不著錄者十之九

類雅二十卷

不著撰人名氏

萬年統紀十二卷

不著撰人名氏

對類二十卷

不著撰人名氏

大政管窺四卷

不著撰人名氏

汲古編四卷

不著撰人名氏

欽定續文獻通考卷一百八十七

欽定四庫全書

欽定續文獻通考卷一百八十八

經籍考

子 雜藝術

臣等謹案馬端臨通考沿史志之例立雜藝術一門而以陳振孫書錄解題列書品書斷之類於雜藝譏其於義無當然書與射固均為六藝中之一事振孫謂諸書所論書法之工拙正與射御同科

其說亦不為無見今續輯宋以來論書之作與論畫者並列其琴譜之屬有僅為山人墨客識曲審音之事者亦入焉自餘次序則仍從馬氏之例云

宋史藝文志雜藝類一百十六部二百二十七卷

遼金元三史不立藝文志散見各紀傳中

明史藝文志雜藝類四十九部四百五十七卷

宋

朱長文墨池編六卷

長文字伯原吳縣人登乙科官至秘書正字事迹見
宋史文苑傳

臣等謹案是編論書學源流分為八門皆引古人
成書而類次之

米芾海岳名言一卷

芾字元章襄陽人寄居京口官至禮部員外郎知淮
陽軍

宣和書譜二十卷 畫譜二十卷

不著撰人名氏

韓拙山水純全集一卷

拙字純全南陽人官忠訓郎

姜夔續書譜一卷

夔見經類

岳珂寶真齋法書贊二十八卷

珂見經類

臣等謹案珂是書以其家所藏墨蹟自晉唐迄南

宋各系以跋而為之贊

陳思書小史十卷

思見農家類

董史書錄三卷

史字良史宋末人

元

李衍竹譜十卷

衍字仲賢號息齋道人薊邱人起家將仕郎皇慶中

為吏部尚書集賢殿大學士謚文簡

趙孟頫曰吾友仲賢為此君寫真冥搜極討蓋欲
得畫竹之情狀二百年來以畫竹稱者皆未必能
精深如仲賢也

湯垕畫鑒一卷

垕字君載東楚人

垕自序畧曰采真子妙于考古在京師時與鑒畫
博士柯君敬仲論畫遂著此書用意精到悉有據

依惜尚缺畧乃為刪補編次成帙名曰畫鑒

鄭杓衍極二卷

杓字子經羅源人泰定中官南安縣教諭

盛熙明法書考八卷

熙明其先曲鮮人後居豫章

夏文彥圖繪寶鑑五卷續編一卷

文彥字士良其先吳興人居于松江嗜古精繪事為

楊維禎所稱

蘇霖書法鈞元四卷

霖字子啓鎮江人

劉維志字學新書摘抄一卷

維志遼州人

畫紀補遺二卷 元畫紀一卷

不著撰人名氏

明

陶宗儀書史會要九卷補遺一卷續編一卷

宗儀見經類

朱存理珊瑚木難八卷 鐵網珊瑚十六卷

存理見史類

張紳法書通釋二卷

紳字士行登州人洪武十五年以薦舉授鄆縣教諭

累官浙江左布政使

黃瑜書學會編四卷

瑜字廷美華亭人天順中官肇慶府知府

周瑛書纂五卷

瑛字梁石莆田人成化進士累官四川右布政使學者稱翠渠先生

楊慎墨池瓊錄四卷

慎見經類

臣等謹案此書極推重趙孟頫謂其一洗顏柳之病直以晉人為師右軍之後一人而已

豐坊書訣一卷

坊見經類

詹景鳳曰坊為人逸出法紀外而書學極博五體並能諸家自魏晉以及國朝靡不兼通規矩盡從手出

孫鑛書畫跋跋三卷續三卷

鑛見經類

臣等謹案王世貞先有書畫跋鑛又跋其所跋故

名書畫跋跋

唐志契繪事微言二卷

志契字敷五又字元生江都人與弟志尹並能畫而

志契尤以山水擅名

張丑清河書畫舫十二卷 真蹟日錄一卷二集一卷

三集一卷 清河書畫表一卷 法書名畫見聞表一

卷 南陽法書表一卷 南陽名畫表一卷

丑原名謙德字叔益後改今名字青父號米菴吳縣

人

朱彞尊曰青父精于鑒古所撰清河書畫舫等書
時人比之黃伯思周公謹云

陸深書輯三卷

深見史類

劉璋明書畫史三卷 元朝遺佚附錄一卷

璋字圭甫嘉定人書畫史末一卷同邑童時補正時

字尚中

陸樹聲平泉題跋二卷

樹聲見雜家類

王世貞書苑十卷

畫苑十卷

弇州山人墨蹟跋三

卷 墨刻跋四卷

世貞見史類

詹景鳳書苑補益八卷

畫苑補益四卷

景鳳見雜家類

李開先中麓畫品一卷

開先字伯華號中麓章邱人嘉靖進士累官太常寺

卿明史文苑傳附載陳東傳中

徐渭筆元要旨一卷

渭見雜家類

王穉登吳郡丹青志一卷

穉登見小說類

穉登自序畧曰吳中繪事自曹顧僧繇以來鬱乎
雲興蕭疎秀妙余展所藏名畫自吳都以迄昭代
纍纍滿篋圖石疑雲寫川欲浪爰作吳中丹青志

以信將來

汪顯節繪林題識一卷

顯節始末無攷

張鳳翼海內名家工畫能事二卷

鳳翼見占筮類

釋蓮儒畫禪一卷 湖州竹派一卷

蓮儒自稱白石山衲子始末無攷其湖州竹派一編
皆抄取舊書而又不註明出處

李日華竹嬾畫勝一卷續畫勝一卷

日華見史類

項穆書法雅言一卷

穆字德純號貞元秀水人元汴之子元汴鑒藏書畫
甲子一時穆承其家學於書法特工

項聖謨墨君題語二卷

聖謨字孔彰秀水人

莫是龍畫說一卷

是龍字雲卿以字行更字廷韓華亭人布政使如忠之子萬歷中以貢入國學明史文苑傳附見董其昌傳中

何三畏曰廷韓摹大癡畫十年乃出以示人其潛心如是故神情秀潤墨采淋漓試雜之大癡真蹟中恐亦未易識別

朱象衡筆道通會一卷

象衡字朗初秀水人

張泰階寶繪錄二十卷

泰階字爰平上海人萬曆進士

趙宦光寒山帚談二卷拾遺一卷附錄一卷

宦光見經類

潘之淙書法離鈎十卷

之淙字無聲號達齋錢塘人

朱謀聖畫史會要五卷

謀聖字隱之號厭原山人樂安靖莊王之曾孫封奉

國將軍

周之士游鶴堂墨藪二卷

之士字士貴自號四明居士齊興人

陳繼儒書畫史一卷

繼儒見史類

郁逢慶書畫題跋記十二卷續題跋記十二卷

逢慶字叔遇別號水西道人嘉興人

黃鳳池唐詩畫譜五卷

鳳池徽州人

沈與文畫志一卷

與文自稱姑餘山人

畫譜六卷

不著撰人名氏

草書集韻五卷

不著撰人名氏

以上書畫

顧煜射書四卷

煜字銘伯無錫人

程道生射義新書二卷

道生海寧人

以上射

明

嚴澂松絃館琴譜二卷

澂見譜錄類

黃獻琴譜正傳六卷

獻字仲賢廣西平樂人孝宗時中官

臣等謹案黃虞稷千頃堂書目載原書十卷今本

為宋仕校正楊嘉森編祇六卷仕嘉森俱無錫人

楊表正琴譜大全十卷

表正字西峯延平人

胡文煥文會堂琴譜六卷

文煥見雜家類

張廷玉理性元雅六卷

廷玉字汝光延安人萬厯進士累官工部郎中

臣等謹案是編為所作琴譜琴凡四式曲凡百篇

又別譜鼓瑟之法合一十有二曲為一卷以附于

後

林有麟青蓮舫琴雅四卷

有麟見譜錄類

楊掄伯牙心法一卷

太古遺音

無卷數

掄號桐菴江寧人

以上琴譜

元

吾邱衍學古編一卷

衍見史類

明

徐官古今印史一卷

官字元懋吳縣人

顧從德印藪六卷

從德字汝脩上海人

何通印史五卷

通字不違松江人

以上篆刻

元

丸經二卷

不著撰人名氏

雙陸譜一卷

題了角道人撰

明

林應龍適情錄二十卷

應龍字翔之永嘉人禮部儒士

臣等謹案是書前八卷載日本僧虛中所傳奕譜三百八十四圖第九卷以下為外篇補遺圖說則應龍所蒐錄也

王禪登奕史一卷

禪登見小說類

王思任奕律一卷

思任字季重山陰人萬曆進士累官江西按察司僉事

秋仙奕譜十二卷

不著撰人名氏


李孝元壺譜一卷

孝元字松橋滑縣人官都司經歷

郭元鴻壺史三卷

元鴻泰和人

以上雜技



欽定續文獻通考卷一百八十八

欽定四庫全書

史部

欽定續文獻通考卷一百

八十九
九十

給事中_臣劉芬覆勘

總校官內閣中書_臣孫溶

欽定四庫全書

欽定續文獻通考卷一百八十九

經籍考

集

臣等謹案馬端臨通考集類凡七門曰楚辭曰別集曰詩集曰歌詞曰章奏曰總集曰文史考隋志始以楚辭為一門其名最古今特因之別集所賅本廣詩詞之類即可統歸其中今續通考以自宋

而後名目益繁篇帙彌富仍依通考之例於別集
外分詩集一門其章奏已歸史類著錄無庸贅入
歌詞本皆詞集今增入詞話曲譜等書以次於集
類之末至總集則仍其舊而文史改為詩文評謹
從四庫全書之例云

集 楚辭 別集一

宋史藝文志楚辭類八家十二部一百四卷

遼金元三史不立藝文志散見各紀傳中

明史藝文志不立楚辭類

宋

楊萬里天問天對解一卷

萬里字廷秀吉水人紹興進士官至寶謨閣學士致

仕卒謚文節

吳仁傑離騷草木疏四卷

仁傑見經類

臣等謹案仁傑自序謂梁劉杳有草木疏二卷其

書已亡香疏凡王逸所集者皆在焉仁傑獨取二十五篇疏之其大旨謂離騷之文多本山海經故書中引用每以山海經為斷

明

汪瑗楚辭集解八卷蒙引二卷考異一卷

瑗字玉卿歙縣人

屠本峻離騷草木疏補四卷 楚騷協韻十卷附讀騷

大旨一卷

本峻見子類

臣等謹案是書以宋吳仁傑離騷草木疏多有未備特於香草類增入麻秬黍薇稻粱麥梁八種於嘉木類增入楓梧二種其餘於仁傑疏多所刪汰黃文煥楚辭聽直八卷合論一卷

文煥見經類

臣等謹案文煥坐黃道周黨下獄因在獄中著此書蓋借屈原以寓感其曰聽直取原惜誦篇中臯

陶聽直語也

沈雲翔楚辭評林八卷

雲翔字千仞慶城人

右楚辭

宋史藝文志別集類一千八百二十四部二萬三千六百四卷

遼金元三史不立藝文志散見各紀傳中

明史藝文志別集類一千一百八十八部一萬九千八

百九十六卷

宋

臣等謹案馬端臨通考於宋人別集載至嘉定以前較宋史藝文志闕者尚多蓋據當日所見錄之而未博徵志乘也今際四庫全書告成海內藏書盡登

秘府又檢永樂大典各韻中凡湮沒之書可以蒐輯者悉加編綴於宋人佚集纂出甚夥茲於通考已

載其目者不復重登外餘悉為著錄俾後知斯文
不朽其遭逢

盛世良非偶然云爾

趙相南陽集六卷

湘字叔靈其先自京兆徙越遂為西安人淳化進士
臣等謹案湘即趙抃之祖宋史抃傳不著世系故
湘始末亦不具蘓軾為抃作碑稱湘官廬江尉其
後追贈司徒則以抃貴推恩者也

蔣堂春卿遺稿一卷

堂字希魯宜興人大中祥符進士歷官左諫議大夫
改給事中兩守吳郡以禮部侍郎致仕

臣等謹案胡宿作堂神道碑稱堂以皇祐六年卒
贈吏部侍郎又本傳載堂有吳門集二十卷今祇
一卷乃明天啓中其裔孫鑽掇拾散佚成之題曰
春卿蓋仍致仕之官云

趙抃清獻集十卷

抃字閱道西安人景祐初進士及第歷官龍圖閣直
學士參知政事出鎮越中再移蜀郡以太子少保致
仕謚清獻

臣等謹案抃是集詩文各五卷乃從宋嘉定中舊
本重刊前有天台陳仁玉序

胡宿文恭集五十卷補遺一卷

宿字武平晉陵人天聖進士歷官樞密副使以太子
少師致仕贈太子太傅謚文恭

金君卿文集二卷

君卿字正叔浮梁人慶歷進士官度支郎中

臣等謹案宋藝文志載君卿集十卷江西通志作十五卷考永樂大典載是集有富臨原序一篇稱臨川江明仲求遺稿編成十五卷號金氏文集則宋志稱十卷者誤矣

黃庭堅山谷刀筆二十卷

庭堅字魯直分寧人官至著作佐郎知鄂州事蹟具

宋史文苑傳

臣等謹案馬考以表賦策論四六尺牘統入別集
蓋每類僅止數種故不復區分今從其例仍歸別
集類是編為庭堅所著尺牘馬考所未著錄爰為
補載餘倣此

呂陶淨德集三十八卷

陶字元鈞號淨德成都人皇祐進士歷官給事中改
集賢院學士

祖無擇龍學文集十六卷

無擇字擇之上蔡人累官龍圖閣學士坐事謫忠正
軍節度副使

臣等謹案無擇集十卷附司馬光梅堯臣等贈答
之作曰名臣賢士詩文二卷又附無擇叔祖岳叔
士衡等傳記勅書及詩曰家集四卷乃其曾孫行
編次

朱長文樂圃餘稿十卷附錄一卷

長文見子類

臣等謹案樂園集凡一百卷南渡後燬於兵其從孫知漢陽軍思重加編次以非全集名曰餘稿而以墓銘表傳為附錄云

游酢廬山集四卷

酢字定夫建陽人元豐進士歷官監察御史終知濠州事事蹟具宋史道學傳

華鎮雲溪居士集三十卷

起以澤為副元帥累遷延康殿學士兼開封尹留守
東京贈觀文殿學士諡忠簡

汪藻浮溪文粹十五卷

藻字彥章德興人崇寧進士歷官顯謨閣學士左太
中大夫封新安郡侯事蹟具宋史文苑傳

臣等謹案馬考稱藻浮溪集六十卷蓋據陳振孫
書錄解題所載又趙希弁讀書附志增猥稿外集
一卷龍溪文集六十卷共一百二十一卷宋藝文

志並著於錄今本為明胡克臣所刊凡十五卷

李光莊簡集十八卷

光字泰發上虞人崇寧進士累官吏部尚書因爭和議安置瓊州移昌化軍卒追復資政殿學士謚莊簡

臣等謹案光集載於紹興正論者四十卷宋藝文

志作前後集三十卷焦竑經籍志作二十六卷錯

互不合錢溥秘閣書目葉盛萊竹堂書目俱載有

莊簡集八冊是明初尚存其後散佚今據四庫全

書著錄

孫覲內簡尺牘十卷

覲字仲益晉陵人大觀進士政和中詞科以薦為侍
御史屢謫貶終於提舉鴻慶宮

臣等謹案覲所著鴻慶居士集馬考已著錄是編
為覲門人李祖克輯并註與覲集中所載尺牘時
有不同

劉才邵槲溪居士集十二卷

才邵字美中廬陵人號樵溪居士宣和間中宏詞科
紹興中官工部侍郎權吏部尚書加顯謨閣直學士

李正民大隱集十卷

正民字方叔揚州人政和進士歷官中書舍人徽猷
閣待制

王洋東牟集十四卷

洋字元渤山陽人宣和進士紹興中官起居舍人知
制誥直徽猷閣

黃彥平三餘集四卷

彥平字季岑豫章人宣和進士建炎初官吏部郎中
提點湖南刑獄

臣等謹案三餘集世無傳本宋藝文志作黃季岑
王餘集經籍志作黃次山三餘集厲鶚宋詩紀事
則云黃次山字季岑輾轉異同不可究詰惟豐城
縣志於宋黃得禮傳內載其世系名字逐一條晰
知此集為得禮次子彥平所撰

陳康伯文恭公集十三卷

康伯字長卿弋陽人宣和中上舍丙科官至尚書左
僕射同中書門下平章事謚文恭

羅從彥豫章文集十七卷

從彥字仲素沙縣人以薦授博羅縣主簿淳祐間追
謚文質事蹟具宋史道學傳

陳東少陽集十卷

東見史類

蘇籀雙溪集十五卷

籀見子類

廖剛高峯文集十二卷

剛字用中順昌人紹興中官御史中丞以提舉明道宮
致仕

鄧肅栢欄集十六卷

肅字志宏南劍人以薦賜進士建炎初官左正言

臣等謹案王明清揮塵後錄載栢欄遺文三十卷

今本僅詩一卷詞一卷文十四卷

李流謙澹齋集十八卷

流謙字無變德陽人以父廕補將仕郎歷官通判潼川府事

曹勛松隱文集四十卷

勛字功顯陽翟人宣和進士紹興中以韋太后北還迎鑾功累官昭信軍節度使卒贈少保謚忠靖

張九成橫浦集二十卷

九成字子韶號無垢居士其先開封人徙居錢塘紹興二年進士第一仕至刑部侍郎以忤秦檜謫居南安軍檜死起知温州丐祠歸卒贈太師崇國公謚文忠

汪應辰文定集二十四卷

應辰字聖錫玉山人紹興五年進士第一歷官敷文閣學士四川制置使知成都府

臣等謹案馬考載應辰玉山翰林詞草五卷而宋

藝文志載其集五十卷流傳已罕明弘治中程敏政於內閣本摘抄其要編為十二卷又附遺事志傳等文二卷今據四庫全書著錄較多十之四五陳長方唯室集四卷附錄一卷

長方見子類

鄭興裔忠肅奏議遺集

無卷數

興裔字允錫顯肅皇后外家三世孫由成忠郎歷官武泰軍節度使贈太尉謚忠肅

臣等謹案是編雖以奏議為名實則裒輯雜文共為一集以其出於南宋之後故陳振孫書錄解題及宋藝文志俱未載

鄭樵夾漈遺稿三卷

樵見經類

臣等謹案樵當時以博洽著不以文章名其集自陳振孫書錄解題以下皆不著錄此本乃後人所

編

范浚香溪集二十二卷

浚字茂名蘭溪人紹興中舉賢良方正辭不赴

曾協雲莊集五卷

協字同季南豐人紹興中以世賞得官歷仕臨安通

判權知永州事

吳儆竹州集二十卷附棣華雜筆一卷

儆字益恭休寧人紹興進士歷官廣南西路安撫使

主管台州崇道觀謚文肅

晁公遯嵩山居士集五十四卷

公遯字子西鉅野人公武之弟仕履無考

李侗延平文集三卷附錄二卷

侗見子類

馮時行縉雲文集四卷

時行字當可璧山人紹興間官提點成都刑獄公事

臣等謹案時行集宋藝文志作四十三卷原本久

佚明嘉靖中李璽訪得舊抄殘本編為四卷

史堯弼蓮峯集十卷

堯弼字唐英眉州人舉進士未仕

臣等謹案焦竑經籍志載蓮峯集三十卷今據四庫全書著錄原序二篇一作於乾道丙戌自署曰省齋無可考一為任濟全序作於嘉定癸酉

羅願鄂州小集六卷附錄二卷

願見經類

臣等謹案淳熙甲辰願由知南劔州改鄂州卒於

官州佐劉清之為刊其稿名鄂州小集止六卷史
稱十卷誤今所傳本明人重刻後附頽兄頽弟頽
及姪似臣之文二卷

周孚蠹齋鉛刀編三十二卷

孚字信道濟南人寓家丹徒乾道進士官真州教授
臣等謹案集首有京口陳珙序稱遺文共三十卷
蓋珙序專指詩文而言末二卷為非詩辨妄以鄭
樵作詩辨妄決裂古訓汨亂經義南渡諸儒多為

所感孚陳二十四事以攻之其書原自別本單行
後人取以附入故通為三十二卷

崔敦禮宮教集十二卷

敦禮見子類

倪樸石陵書一卷

樸字文卿浦江人居石陵村因以為號嘗應進士舉
以事徙筠州會赦得還

臣等謹案謝翱輯樸雜著其本久佚此則明嘉靖

間毛鳳韶所輯不曰集而曰書者以編中擬上高宗書為主舉其重也

衛博定菴類稿四卷

博里貫無考

臣等謹案宋中興百官題名記載乾道四年正月衛博為樞密院編修官四月致仕知其終於是職

李呂澹軒集八卷

呂字濱老光澤人

臣等謹案呂行事不見於史傳惟周必大平園續稿有呂墓誌稱其端莊自重記誦過人年四十即棄科舉至七十七而卒焦竑經籍志載澹軒集十五卷今本詩三卷詞一卷雜文四卷末附周必大墓誌

虞儔尊白堂集六卷

儔字壽老寧國人隆興進士累官兵部侍郎

臣等謹案儔行事不見於宋史而志乘所載頗詳

蓋屢著治行不徒以文學見長者據陳貴誼原序
集本二十四卷今本詩四卷文二卷

袁說友東塘集二十卷

說友字起巖建安人隆興進士累官同知樞密院參
知政事

彭龜年止堂集二十卷

龜年字子壽清江人乾道進士累官湖北安撫使以
寶謨閣待制致仕謚忠肅

曾丰緣督集二十卷

丰字幼度樂安人乾道進士歷官知德慶府

臣等謹案丰集真德秀嘗板行於世歲久不傳元

元統間丰五世孫德安購其遺集虞集為之序明
嘉靖間詹事講嘗選錄十二卷刊行謹附識於此

王子俊格齋四六一卷

子俊字材臣吉水人安丙帥蜀嘗辟為制置使屬官

臣等謹案子俊所著有史論師友緒言三松類藁

諸書馬考載三松集十八卷均佚不傳此本原題曰格齋三松集當即類藁之一種

王炎雙溪集二十七卷

炎字晦叔婺源人乾道進士官至軍器少監

臣等謹案炎與淳熙中觀文殿大學士王炎姓名相同非一人也所著總題曰雙溪類稿今存者惟詩文集焉

舒璘文靖集二卷

璘字元質一字元賓奉化人乾道進士官宜州通判
淳祐中追謚文靖事蹟具宋史儒林傳

趙汝談南塘四六一卷

汝談字履常太宗八世孫居餘杭淳熙進士官至權
刑部尚書

劉燾雲莊集十二卷

燾見經類

臣等謹案是集為初承璞澹生堂抄本前有嘉定

間李埴序又附真德秀碑文乃明天順間其十世孫梗所編

員興宗九華集二十五卷附錄一卷

興宗見史類

趙善括應齋禱著六卷

善括為太宗七世孫宋史宗室表載其名

臣等謹案集中述黃樞密知隆興府啓有一塵為
詆語則籍隸隆興祭漢陽趙守文有仙源同盟雁

塔俱第語則嘗登進士也

陳造江湖長翁集四十卷

造字唐弼高郵人淳熙進士官淮南西路安撫使參
議

孫應時燭湖集二十卷附編二卷

應時字季和號燭湖居士餘姚人淳熙進士知常熟
縣移判邵武軍

臣等謹案是書末附應時之父介及其兄應求應

符詩並應時父子誌傳行狀子祖開補官省劄諸
篇為上下二卷

李廷忠橘山四六二十卷

廷忠字居厚號橘山於潛人淳熙進士歷官夔州通
判

李洪芸菴類稿六卷

洪正民子寓海鹽曾以侍從官知溫州

楊冠鄉客亭類稿十五卷

冠卿字夢錫江陵人舉進士嘗出知廣州

陳淳北溪大全集五十卷外集一卷

淳見子類

衛涇後樂集二十卷

涇字清叔華亭人淳熙十一年進士第一累官參知

政事封秦國公謚文節

楊萬里千慮策二卷 錦繡論二卷

萬里見楚辭類

陳傅良止齋論祖五卷

傅良見史類

高似孫騷略三卷

似孫見史類

臣等謹案是編皆所擬騷賦等篇

曹彥約昌谷集二十二卷

彥約見史類

薛季宣浪語集三十五卷

季宣見經類

劉宰漫堂集三十六卷

宰字平國金壇人紹熙進士屢薦不起以直顯謨閣
終於家謚文清

度正性善堂集十五卷

正見史類

臣等謹案宋史本傳載正性善堂集不著卷數趙
希弁讀書附志列其目凡十五卷今本卷數與附

志合

程秘洺水集三十卷

秘字懷古休寧人紹熙進士累官禮部尚書翰林學士知制誥歷端明殿學士致仕

臣等謹案陳振孫書錄解題載秘集六十卷今本為明末其裔孫至遠所刻僅三十卷

陳文蔚克齋集十七卷

文蔚字才卿上饒人嘗舉進士端平二年詔補迪功

郎

臣等謹案文蔚所著尚書類編已佚其文集亦無傳本故陳振孫書錄解題宋藝文志俱不載今本乃明初其郡人張時雨及其裔孫良鑑掇拾而成者

廖行之省齋集十卷

行之字天民延平人徙衡州淳熙進士授寧鄉主簿黃幹勉齋集十四卷

幹字直卿號勉齋閩縣人寧宗朝補將仕郎歷官安慶府以主管亳州明道宮致仕謚文肅事蹟具宋史道學傳

臣等謹案是集卷目與宋藝文志相合蓋猶原本也

魏了翁鶴山集一百九卷

了翁見經類

臣等謹案了翁文章極富本各自為集後人為之

合編其板淹廢今本乃明嘉靖間高翀等刻於邛
州凡百十卷缺拾遺一卷

袁甫蒙齋集十八卷

甫字廣微鄞縣人禮部侍郎燮之子嘉泰進士累官
兵部尚書贈少傅謚正肅

吳泳鶴林集四十卷

泳字叔永潼川人嘉定進士累官權刑部尚書寶章
閣學士知泉州

許應龍東澗集十四卷

應龍字恭甫閩縣人嘉定進士累官端明殿學士簽
書樞密院事

劉學箕方是間居士小藁二卷

學箕字習之崇安人隱居不仕自號種春子家有堂
曰方是間故又號方是間居士

杜範清獻集二十卷

範字成已黃巖人嘉定進士累官右丞相謚清獻

臣等謹案史載範所著古律詩五卷禠文六卷奏稿十卷外制三卷進故事五卷經筵講義三卷共三十二卷今本祇二十卷蓋後人重輯非其舊矣

戴栩沅川集十卷

栩字文子永嘉人嘉定進士累官湖南安撫司叅議

陳元晉漁墅類稿八卷

元晉字明父崇仁人嘉定進士累官邕管安撫使

程公許滄洲塵缶編十四卷

欽定四庫全書

公許字季與一字希穎宣化人嘉定進士累官權刑部尚書寶章閣學士知隆興府

李劉四六標準四十卷

劉字公甫崇仁人嘉定進士歷官寶章閣待制

臣等謹案劉所著四六有類稿續類稿梅亭四六皆未見今本乃其門人羅逢吉所編

欽定續文獻通考卷一百八十九